



KETE MANARUA

Te Reo Matatini 2024


32413 Ka mārama, ka tautohu i ngā whakaaro matua o tētahi reo ā-waha, o tētahi reo ā-tā hoki

NGĀ WHIWHINGA: 5

32415 Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki

NGĀ WHIWHINGA: 5

Ka taea te tuku mai te Kete Manarua nei i te 1 Oketopa ki te 30 Oketopa 2024



*“Ko te manu e kai
ana i te miro nōnā
te ngahere; ko te
manu e kai ana i te
mātauranga nōnā
te ao...”*

Ngā Ihirangi

He kupu whakataki	4
Reo Torohu - Tumahi Aromatawai (32413)	6
Reo Whakaputa - Tumahi Aromatawai (32415)	14



Kete Manarua

Ka maka te pakapaka, ka ohu te karoro

Kete - ko te kete i pū mai i te pā harakeke me tōna whakapapa.

Manarua – e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te ākongā. Tuarua, ko te mana o te ākongā, ko tōna whānau, hapū, me tōna iwi hoki, ko tōna ake mana motuhake tonu.

Te Motuhēhē o ngā mahi

E taea e ngā Ākongā te ako ngātahi, te mahi ngātahi rānei i ētahi atu tāngata hei kohikohi kōrero i ngā puna tautoko huhua. Heoi, me mātua mōhio nei te pouako, nā ngā Ākongā anō ngā mahi i whakarite, i whakatakoto.

Hei akiaki tonu i te hāponotanga o ā rātou mahi katoa me whakamahi anō ngā Ākongā i ā rātou ake kupu, ka mutu, ka kaha hāpai i ngā tikanga tohutoro e whakamana anō ai te puna o te mātauranga.

Mā te mihi e whakaatu, e whakanui hoki i ngā tāngata me ngā puna awhina i puta ai ā rātou nā mahi. Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei.
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

Te Tāpae i te Kete Manarua

Hei te wāhanga tuatoru o te tau Kura a NZQA e tuku atu ai ngā tohutohu mō te tāpae mai i ngā taunakitanga o ngā Kete Manarua nei.

E pai ana te tāpae mai i ngā taunakitanga hei kōnae matihiko, ahakoa kōnae oro, kōnae ataata rānei, hei PDF kē rānei, hei kōtuinga rānei o ngā mea e rua. Me he taunakitanga ā-pepa, me matawai, ka tuku ai hei PDF. Me whakakī anō hoki e te kaiako te Pukauhi Kete Manarua mō ia kōpaki Kete Manarua ka tukua kia aromatawaia.





REO TOROHŪ

32413 Ka mārama, ka tautohu i ngā whakaaro matua o tētahi
reo ā-waha, o tētahi reo ā-tā hoki

(Kaupae 1, Whiwhinga 5)

Tūmahi Aromatawai

Ngā Tohutohu

Whakarongo ki te kaponga reo mō “Te Tikanga o Matariki” me te mātakitaki i te whakaaturanga o “Matariki me āna tamariki”.

He whakautu i ngā pātai, he mahi tīpako i te whakautu e tika ana, he whakarite urupare rānei mā te āta whakapuaki i ōu ake whakaaro ki te kaupapa.

Tūmahi Whakarongo - Te Tikanga o Matariki

He Whakamārama

He kōrero ēnei nō te whare kōkōrangī o Ahorangi Rangi Matamua¹ o Ngāi Tūhoe mō te ōrokohanga o Matariki me te whai māramatanga o te ao tūroa e noho nei tātou.



¹ Matamua, R. (2017). Matariki: The Star of the Year. Huia Publishers

Ka whakarongo ki te kaponga reo hei whakautu i ngā pātai e whai ake nei:

1. He aha te roanga atu o te ingoa o Matariki?

- Ko “Ngā karu o te kāhui o Karuiti”
- Ko “Ngā whetū o te kāhui o Matariki”
- Ko “Ngā mata o te ariki Tāwhirimātea”

2. He aha te take o tō Tāwhirimātea ngaki mate? (rapu utu)

- He harawene nōna i te kaha o Tāne Matua.
- He pouri nōna i te wehenga o tōna matua.
- He kore nōna e whakaae kia wehe ōna mātua

3. I aha a Tāwhirimātea i mua i tana rere atu ki tōna matua ki a Ranginui?

- Ka poroporoakingia tōna māmā e ia, ā, ka wehe atu.
- Ka tikarohia e ia ōna mata, ā, ka whuia atu ki te rangi.
- Ka wetewetekina tana riri, ā, ka tau rawa te puehu.

4. Ko wai te koroua o Ahorangi Rangi Matamua?

5. Whakamāramatia te take i hirahira ai te wā o Matariki ki a Ngāi Tātou te Māori.

Tūmahi Whakarongo 2 - Matariki me āna Tamariki



Ka mātakitaki i te whakaaturanga hei whakautu i ngā pātai e whai ake nei:

1. Whakaraupapahia mai ngā ingoa katoa o te kāhui whetū o Matariki.

1	Pōhutakawa	_____
2		_____
3		_____
4		_____
5		_____
6		_____
7		_____
8		_____
9		_____

2. Tohungia te kōrero e tika ana mō Hiwaiterangi.

- Ko Hiwaiterangi te atua e heri kai mai ana ki a tātou.
- Ko Hiwaiterangi te atua e manaaki ana i ngā wawata.
- Ko Hiwaiterangi te atua e tiaki ana i ngā tini a Tangaroa.

3. Whakamāramahia mai ngā kōrero mō Waiti rāua ko Waitā i āu anō kupu.

4. Tīpakotia te kōrero e hāngai ana ki a Waipunarangi rāua kō Ururangi.

- Ko ngā tokorua whetū ngā whetū tapu katoa
- Ko runga ake ēnei tokorua whetū i ēra atu whetū.
- Ko ngā tokorua whetū nei he wahine.

5. Ko wai mā ngā whetū o te kāhui e tohu ana i te ira wahine?

Tūmahi Pānui – Matariki me Puanga

Ngā Tohutohu

Pānuihia te tuhinga mō Matariki me Puanga hei whakautu i ngā pātai e whai ake nei.



1. E ai ki ētahi rohe o te Motu, ko Puanga kē tēra e tohu ana i te tau hou Māori. *Tautohua mā te tuhi porowhita i aua wāhi ki te mapi nei.*

2. He aha te wā o te tau Māori e kite mārire ana a Puanga?

I te wā o te āwhā

I te ata o Ōturu

I te māpouriki

3. Ko ngā tohu i kitea i te aranga ake o Puanga e mea ana he tau mauri kei te tū mai. He aha aua tohu rā?

4. He aha te tikanga o te kōrero “Nāwai ra, Nāwai ra,”?
Tipakohia te whakamārama e tika ana.

Ā, tērā pea

Kāore e hapa

Ā muri ake nei

“Me hokihoki tonu koe ki tōu ake kāinga kia kā tonu ai ngā ahi, kia whitawhita...”

5. Ki ōu whakaaro, he aha te tino ngako o te kōrero nei?
Tuhia tō whakamāramatanga, ā, tuhia hoki tetahi taura o te whakatinanatanga o te kōrero nei.

6. He aha nga hui whakawhanaunga o tō whānau i te wā o te tau hou Māori?
Tēna whakamāramahia tētahi hui i tautokohia e koe.

MĀTĀPUNA

Living By The Stars Matariki Webisode 5 - Te Tikanga o Matariki - The Meaning of Matariki. (n.d.). [Video]. YouTube. Retrieved from [<https://www.youtube.com/watch?v=-DC5plgWwCQ&t=127s>]

Living By The Stars Matariki Webisode 11 - Matariki me āna Tamariki. (n.d.). [Video]. YouTube. Retrieved from [<https://www.youtube.com/watch?v=JUw6bc21808>]

Living By The Stars Matariki Webisode 12 - Matariki me Puanga [Transcript]. Retrieved from <https://www.youtube.com/watch?v=rMIXnwVsw5I&t=1s>



REO WHAKAPUTA

32415 Ka whakamahi i te reo kia tutuki ai tētahi pūtakenga
whakawhiti kōrero, tuhituhi hoki

(Kaupae 1, Whiwhinga 5)

Tūmahi Aromatawai

Tūmahi Tuhituhi

Ngā Tohutohu

Kōwhiria TĒTAHI o ngā kaupapa e toru e whai ake nei hei tuhinga māu.

Kia 100-150 kupu te roa o tō tuhinga.

Ngā kaupapa tuhituhi

Kōwhiringa kaupapa tuatahi:

Kei te whakatū wānanga ki runga marae. Māu tētahi kaupapa e ngākau nui ana ki a koe e whiriwhiri.

He tuhi pānui te āhua o tēnei momo tuhinga. He tuhi pānui whakaahua, he tono, he reta pōwhiri, he kōrero akiaki, he pārongo aha atu aha atu.

He whakamārama i ngā āhuratanga o te hui, hei tauira; te rā, te wā o te hui, te wahi e tū ai te hui (pepeha o te marae, te wāhi o te marae) ngā pārongo mō te kaupapa o te hui, me ngā tohutohu hei ārahi i te tangata aha atu aha atu.

Kōwhiringa kaupapa tuarua:

He tuhinga auaha te āhua o tēnei momo tuhinga e pā ana ki tētahi tangata rongonui e ngākau nui ana ki a koe.

Whakaarohia, whakatauhia tētahi tangata rongonui hei tuhinga māu; he tangata hākinakina, he kai whakaari, he kaihaka, he kaiwaiata, aha atu aha atu.

Tuhia ngā āhuratanga o te tangata rongonui, hei tauira; āna mahi, ōna pūmanawa, tōna tupuranga.

Whakamāramahia he aha e rongonui ai te tangata nei ki a koe.

Kia kaha ki te whakamahi i ngā whakataukī hei whakanui i te tangata rongonui, hei whakarākei hoki i ōu tuhinga.

Kōwhiringa kaupapa tuatoru:

Māu anō to kaupapa e kōwhiri hei kaupapa tuhinga māu, hei tauira; he tuhinga auaha, he tuhinga huritao, he tuhinga meka, he tuhinga paki, he tuhinga whakaaturanga, he tuhinga taki kōrero.

He aha tētahi tino kaupapa e ngākaunui ki a koe?

Hei tauira; he kaupapa i te kura, i te kāinga, i te marae, i te hāpori, i Aotearoa, i te Ao rānei.

Kia kaha ki te whakamahi i ngā momo nuka reo hei whakarākei i ōu tuhinga; whakataukī, whakatauākī, kīwaha, kupu whakarite aha atu aha atu.

Rauemi/Resource links:

- [Ngā Atua Māori - Puka Tuatahi: Te Orokotimatanga o Te Ao:](https://www.youtube.com/watch?v=IdGb89J4qHE&t=262s)
<https://www.youtube.com/watch?v=IdGb89J4qHE&t=262s>
- [Ngā Atua Māori - Puka Tuatoru: Te Pakanga i Te Paerangi](https://www.youtube.com/watch?v=AiAtsGN5rsc)
<https://www.youtube.com/watch?v=AiAtsGN5rsc>

Tūmahi kōrero ā-waha

He whakamārama

E āhei ana te kaupapa nāu i tuhi i te tūmahi tuhituhi te whakakōrero, ā, whiriwhiria rānei i tētahi atu o ngā kaupapa e whai ake nei hei kōrero māu. Me mau a hinengaro ngā kupu o tāu kōrero, kia kua e pānui i te tuhinga i a koe e kōrero ana, ka mutu kia Māori te tū ki te kōrero ā-waha mai, ā reo ā-tinana mai hoki.

Ngā Tohutohu

Kōwhiria TĒTAHI o ngā kaupapa e toru i te tūmahi nei hei kaupapa kōrero māu. He reo ōpaki, he reo ōkawa rānei, ā, he kauwhau, he kōrero whakamārama (mōteatea, taonga, pūrākau aha atu), he kōrero auaha, aha atu aha atu.

Ka 1-2 meneti te roa o te kōrero ā-waha.

Kōwhiringa kaupapa tuatahi:

Kei te whakatū wānanga ki runga marae. Māu tētahi kaupapa e ngākau nui ana ki a koe e whiriwhiri hei kōrero māu, hei taurira; he huinga whānau, he huri tau, he hui rangatahi, he wānanga take aha atu rānei.

He kōrero whakamārama i ngā āhuetanga o te hui, hei taurira; te wāhi e tū ai te hui (pepeha o te marae, te wāhi o te marae) me ngā pārongo mō te kaupapa o te hui.

Kōwhiringa kaupapa tuarua:

He kōrero auaha te āhua o tēnei momo kōrero e pā ana ki tētahi tangata rongonui e ngākau nui ana ki a koe.

Whakaarohia, whakatauhia tētahi tangata rongonui hei kaupapa kōrero māu; he tangata hākinakina, he kai whakaari, he kaihaka, he kaiwaiata, aha atu aha atu. Ka kōrerohia ngā āhuetanga o te tangata rongonui, hei taurira; ko āna mahi, ko ōna pūmanawa, ko tōna tupuranga.

Whakamāramahia he aha e rongonui ai te tangata nei ki a koe.

Kia kaha ki te whakamahi i ngā whakataukī hei whakanui i te tangata rongonui, hei whakarākei hoki i ngā kōrero mōna.

Kōwhiringa kaupapa tuatoru:

Māu anō to kaupapa e kōwhiri hei kaupapa kōrero māu, hei tauira; he kōrero auaha, he kōrero huritao, he kōrero meka, he kōrero paki, he kōrero mō tētahi whakaaturanga, he taki kōrero rānei.

He aha tētahi tino kaupapa e ngākaunui ana ki a koe?

Hei tauira; he kaupapa i te kura, i te kāinga, i te marae, i te hāpori, i Aotearoa, i te Ao rānei.

Kia kaha ki te whakamahi i ngā momo nuka reo hei whakarākei i ōu kōrero; whakataukī, whakatauākī, kīwaha, kupu whakarite.

Rauemi/Resource links:

- [Ngā Atua Māori - Puka Tuatahi: Te Orokotimatanga o Te Ao](https://www.youtube.com/watch?v=ldGb89J4qHE&t=262s)
<https://www.youtube.com/watch?v=ldGb89J4qHE&t=262s>
- [Te Ara - Rua Kūmara](https://teara.govt.nz/en/artwork/17369/rua-kumara)
<https://teara.govt.nz/en/artwork/17369/rua-kumara>